


IN RESTITUTAM
R E G I
V A L E T U D I N E M,

Cùm Vir Clarissimus CAROLUS LE BEAU,
Rhetorices Professor in Grassinæo, jussu &
nomine Universitatis Parisiensis, REGEM
è gravissimo morbo restitutum GALLIS
Publicâ Oratione gratularetur.

E C L O G A.





IN RESTITUTAM REGI

VALETUDINEM,

Cùm Vir Clarissimus CAROLUS LE BEAU,
Rhetorices Professor in Grassinæo, jussu &
nomine Universitatis Parisiensis, REGEM
è gravissimo morbo restitutum GALLIS
Publicâ Oratione gratularetur.

ECLOGA.

CORYDON & TITYRUS.

CORYDON.



ANDEM crede mihi ; quem totis flevimus
agris ,

Tityre , quem miseris nimium cita Fama per
urbes

Dixerat creptum , vitali redditus auræ
Spirat noster amor ; LODOICI floret in ore
Læta salus , reduceſque vident in corpore vires.

A

TITYRUS.

O quàm faustus ades mihi nuncius! ô tibi grates
 Quas referam, Corydon! sitienti gratior herbæ
 Non ros manè cadit: non Euro & fluctibus actos
 Sic placido Zephyrus post fulgura flamine mulcet;
 Ut vox sollicitas dulcis tua currit ad aures.
 Vivit io! Noster LODOIX, salvoque videri
 Salvus amat Populo! Jam curâ solvimur omni:
 Tædia cuncta procul; gelidi procul ite timores.

CORYDON.

Hunc ego vidi oculis, hunc sedibus excita vidit
 Gallia tota suis. * Animo quod nec capit hostis,
 Testis & ipse licet; LODOICO plaudere salvo
 Non timet hostili jam noster Civis in arce.
 Quàm dolor exanimi se PRINCIPE prodidit audax,
 Libera tam vivo se PRINCIPE gaudia produnt.
 Vix ille audierat, Metas petit agmine longo;
 Non retinet Miles, portas qui servat in armis;
 Non quæ tergemini claudunt munimina fossis.

TITYRUS.

Ut facili Gentem LODOIX sibi marte reposcat!
 Quæ fidum retinet malèfidis pectus in oris.

* Ut Luxemburgi auditum fuit REGEM reviviscere Metas plurimi Cives
 petierunt, oculis saltem restitutam ipsi Valentudinem gratulaturi.

C O R Y D O N.

At non incolumi lætatur REGE Mosella
 Unicus. Illum etiam Patriis excepit in ulnis
 Sequana , nuncque fovet , reficitque salubribus undis.
 Grata quot in celebri præbet spectacula ripâ
 Cum Populo gaudens studio contendere PRINCEPS !
 Hinc Gallos recreat dulcis quæ temperat aura
 Regales radios ; REGEM rapit inclytus illinc
 Gentis amor , vitam quæ PRINCIPE ponit in uno.
 Hic blandos vultus , Majestatemque serenam
 Cernere jam poteris tanti in solatia luctûs.

T I T Y R U S.

Hoc equidem , Famâ dudum volitante per orbem ,
 Audieram : dubiis sed quæ fiducia verbis
 Esse potest ? Quando falsi nos funeris horror
 Jam penè enecuit. Mollis si fortè capella
 Dente lupi eripitur , non immemor illa pericli
 Continuo solitas quæret , loca devia , rupes :
 Tempore sed pavitans aliquo Pastoris ab umbrâ
 Discessisse cavet , turbatque minantis imago
 Sæva feræ. Quid ego simili cum sorte premebar
 Ingratum tristi meditarer arundine carmen ?
 Non ità , blande puer , magnos in gaudia luctus
 Vertere promptus amor ; securus corde sub imo

Nunc & adhuc trêpidat. Cantus prævertere nostros
 Plaudat hic, ille sibi : prior in discrimine Patris.
 Natus inhorrescit, saluum canit ultimus, ipsis
 Vix fidens oculis. LODOICUM vivere dicam :
 Hunc nisi Miles Ypras videat sibi tundere bombâ,
 Hunc nisi jus civis videat sibi pendere lance.
 Vidisti, Corydon, tali pro munere nostris
 Quæ sat digna Deo mactabitur hostia templis !
 Quis non hîc pronus præsens sibi numen adoret !

C O R Y D O N.

Sic est ; dextra Dei tantam tulit una salutem.
 Quin liquisse polum superos, advectaque secum
 Sidera tu credas totam sparsisse per urbem.
 Nunquam tot nitido vidisti lumina cœlo,
 Quot nova fulserunt redivivi nuncia REGIS.
 Innumerus medios stellis lucefcere soles
 Certatimque pari flammæ turbine volvi
 Urbs stupet & priscos, jam non sibi cognita, vultus :
 Frustrâ per plateas, vicos, fontefve requirit.
 * Omnia mutârunt festivâ lampade formam.
 Igne velut solido centum suffulta columnis
 Surgunt magnifico spectanda Palatia ritu ;
 Ridentque in faculis flores imitantibus horti.

* Illumination & Feu de Monsieur le Contrôleur Général à Berci.

Ipse suis lepidos sociat cum fluctibus ignes
 Sequana, & illæfos variâ sub imagine reddit;
 Ejcit in saltum, vitreum demittit in imbrem;
 Imbrem vocali, VIVAT REX, rore canentem;
 Explicat in mappas, diversos ducit in arcus,
 Gemmea pavonis rotat in miracula caudæ.
 Ignea colludit tremulas Anguilla per undas.
 * Lucius hinc, illinc ruit in certamina Sulmo.
 Circùm mille jocis mergunt se in flumine pisces,
 Incassumque lavant flammis hærentibus alas.

T I T Y R U S.

Jam scio quid nostros tam longa crepuscula campos
 Exhilarent, rerumque novo velut ordine, noctem
 Invitis præeat constans aurora tenebris.

C O R Y D O N.

Sed quo thure calent, quàm multâ luce coruscant,
 Et benè dissimili resonant quo carmine templa!
 Venerat hùc nuper pallæ sub tegmine nigro
 Turba senum, juvenumque & flens cum matre puella,
 Rusticus urbano, dives confusus egeno,
 Corpora projecti, noctùque diùque precantes,
 Sacras amplexi, quas tingunt fletibus, aras;
Proh! Deus alme, rogant, miseros en fulmine quanto.

* Brochet.

Perdere vis Gallos ! propria REX victima gentis
Ergo cadet ! quas , ab ! tanto discrimine nobis
Servat , opes rape : perjuro largire vel hosti.
 REGEM redde unum ; REX nos ditaverit unus.
 Venerat & Miles sua nudans pectora ; cerne
 Hæc , ait , hæc Patriâ curavit vulnera dextrâ ,
Quem repeto , LODOIX : quotquot mihi rettulit annos
Huic trans mitte , Deus , sic annos mille resignem.
 Audiit hæc Regum Dominus , jam quot bona fundit !
 Ut vivit LODOIX , ut Rhenum transnatat hostis ;
 Sunt & opes tutò , revocatis viribus arma
 Latus sumit Eques , quassatæ culmina ponunt
 Arces Allobrogum , Friburgia mœnia , pulvis.
 Sic immensa priùs paribus nunc plausibus æquant
 Vota piæ grates , sic voces tempore quovis
 Implent innumeræ sacras concentibus ædes ;
 Sic quoque perpetuo geminus fit lumine mensis
 Una dies ; nigris quam tangere nox timet umbris.

T I T Y R U S .

Pulchra dies ! surgat nunquam tibi Vesper Olympo :
 At mihi tu quantus tanto , REX , surgis ab ictu !
 O mihi quàm felix ! demessas Belgica lauros
 Castra canant , sola hæc te Metis digna manebat
 Quam solus de morte refers : dum projicit ungues

Impia ferratos, caput invasura sacratum ;
 Tu stas mente tuâ, stygiis nec territus umbris
 Sceptra Deo, Populos, Sobolem, Sponsamque reponis,
 Majores meditans ipsâ sub falce triumphos.

C O R Y D O N.

Tu quoque, tu felix lacrymis quæ, GALLIA, nosti,
 Quam tibi sollicitum PRINCEPS tuus afflet amorem.

T I T Y R U S.

Ergo lætitiæ nostros permittere sensus
 Fas erit : ipsa jubet Cœlo demissa sereno
 Hùc illuc manibus diffundens gaudia plenis.

O vos, dulce pecus, nostris qui fletibus, agni
 Testes adgemitis, tanta & solatia mecum
 Carpite, Pastorique leves applaudite vestro.
 Amplius haud mecum solâ sub rupe jacentes
 Balatu miseros luctus iterabitis ægro.
 Sed dum læta meis resonabit cantibus Echo,
 REGIS & invicti nomen super æthera tollet :
 Aut alacres mollem pascetis graminis herbam,
 Aut Saturi gelidâ frigus captabitis umbrâ.
 Ite igitur tutos per montes, ite luporum
 Securi ; teneris nec parcite floribus ; ultrò
 Nascentur flores : en vere feracior arvis
 Arridet LODOIX, Lodoicis laudibus omne

Perfonet ufque nemus , blandis hunc ufque falutent
 Vocibus arguta volucres , hunc æmula vallis,
 Hunc etiam leni tenuis vocet unda fufurro.

C O R Y D O N.

Et vos qui reducem fefto me carmine circùm
 Excipitis, vario redimiti tempora flore
 Paftores, choreas cum caftis plaudite Nymphis:
 Vina fluant calathis , rivo lac ubere manet;
 Pomaque fylveftres onerent fragrantia menfas:
 Neu modus : Autumni fociabit munera vernis
 Muneribus LODOIX ; rofeos ut campus odores
 Spirabit , rubeum fimul induet uva colorem;
 Nec longùm : hæc alii renovabunt gaudia ludi.

CHRISTIANUS LE ROY , Sedanæus;
 Rhetorices Profeffor in Cardinalitio.

Cum permiffu. Die 28 Novembris, anno 1744.
 FEYDEAU DE MARVILLE.

Ex Typographiâ THIBOUST, REGIS Typographi, in Plateâ Cameracenfi.

*Regia Pannorum Fabrica, Sedani jussu LUDOVICI XIV
erecta, eximiisque donata prerogativis, & in iisdem à
LUDOVICO Regnante confirmata,*

*Cum acceptam ex restitutâ REGI BENEFICO Valetudine læ-
titiam festis ignibus, diurno nocturnoque tormentorum
tonitru, repetito catapultarum per immensa totius Urbis
munimenta dispositarum crepitu, pyrrhico bellicæ Juventutis
tripudio, concentu Civium omnium unanimi, caterisque amoris,
quâ potissimum viâ erumperet, anxii speciminibus testata
fuerit, dolens hæc omnia gaudiorum signa ad quindecim
aut viginti dies tantum continuari potuisse, voluit, ne tam
fausti eventus senesceret recordatio, voces illas animorum
interpretes fronti Ædium suarum incidi duraturas in per-
petuum, quippe quæ eo sint incisæ monumento, quod cum
sub tanti REGIS tutelâ floreat, in perpetuum sit duraturum.*

I N S C R I P T I O.

DEO IMMORTALI PERENNE SACRUM

Ob restitutam

LUDOVICO XV Artium & Commerciî Restauratori

Valerudinem,

Cujus in periculo

Sensit quod hætenus nondum senserat

Regum licet suorum suprà Gentes cæteras

Amans Gallia.

Viderat heu!

Dum strenuus ad fines tuendos volat

Sui penè enectum caritate Patrem.

Quo reddito

Reddita jacentibus ac funeratis propè

Ictu tanto Populis
 Securitas & felicitas.
 Cujus necdum redintegratis viribus,
 Qui jam nostro exultabant malo,
 Latrociniiis superbiebant suis.
 Ultrà Rhenum fugati Barbari.
 Liberata Alsatia.
 Ad cujus invictum triumphatoris nomen stupent
 Torpent in Belgio
 Anglorum, Batavorum, Hannoviorum
 In unum
 Frustrà conjurati exercitus.
 Patent Gallis Alpes perviæ,
 Dejectus superbis arcibus fugit Allobrox.
 Regia cujus munificentia & pietas
 Furnas, Meninam, Ypras
 Suas amore fecerat prius
 Quàm armis subegerat victorâ.
 Talem nobis servatum à Deo REGEM discite,
 Credite posteri.
 Talis & beneficii,
 Unde salus & omnis defluit faustitas,
 Depulsa calamitate maximâ,
 Servatam memoriam
 A REGIA PANNORUM FABRICA SEDANENSI
 Amate,
 Nostreque forti plaudite.

CHRISTIANO LEROY, Sedanæo,
 in Universit. Parisi. Rhetorices Professore,
 afflabat amor Patriæ.